



Republika e Kosovës  
Republika Kosovo – Republic of Kosovo  
ORGANI SHQYRTUES I PROKURIMIT  
TELO ZA RAZMATRANJE NABAVKE  
PROCUREMENT REVIEW BODY



### RAPORTI IEKSPERTIT SHQYRTUES

<i>Haz Papaj-Ekspert Shqyrtues</i> 	<i>Data e autorizimit të ekspertit</i> 05.11.2020	<i>Data e dorëzimit të raportit</i> 16.11.2020	<i>Nr. i lëndës:</i> 733-753/20
--	--	---	------------------------------------

#### BAZA LIGJORE E SHQYRTIMIT

Me datën: 30.09.2020, OE "Security Code" Shpk-Prishtinë dhe datë 02.10.2020, OE "Delta Security" Prishtinë, kanë parashtruar ankesë me nr: 733-753/20, kundër njoftimit për dhënie të kontratës ku është rekomanduar për kontratë, OE "Alpha Private Security" Shpk-Prishtinë, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. prokurimi 616-20-1945-2-1-1, iniciuar nga Autoriteti Kontraktues (AK) – "KK Prishtinë".

Autoriteti kontraktues ka zbatuar procedurë të hapur, lloji i kontratës: Kontratë Publike Kornizë, Shërbim, vlera e parashikuar e kontratës: 850.000.00 €.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

#### DISPOZITAT E SHKELURA DHE PRETENDIMET ANKIMORE SIPAS OE "SECURITY CODE" SHPK-PRISHTINË

*(Të përshkruhendispozitat e shkelura dhe vetëm pikat e ankesës).*

- Neni 7 i LPP- së
- Neni 28 i LPP-së
- Neni 59 i LPP-së
- Neni 60 i LPP-së
- Neni 31 i LPP-së

##### **I. Neni 7(pargf.1 dhe 6) i LPP**

**Paragraf .1 thot:** Autoriteti kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente.

**Pargraf. 6, ne pjesen (vi) thot:**...që tenderi i zgjedhur të përputhet me të gjitha aspektet përmbajtësore të kushteve, kriterëve dhe specifikimeve përkatëse

**-Ne si OE konsiderojme që AK duke shpallur fitues OE ofertues "Alpha Private Security SHPK" me çmimin**

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. te prokurimit: 616/20/1945/211, iniciuar nga Autoriteti Kontraktues (AK) – "KK Prishtinë".

1'146'810.17€ ka ra ne kundërshtim me ligjin LPP-se dhe kriteret e DT sepse ky ofertues ka ofertuar çmim nën pragun e përcaktuar sipas kriterëve të dosjes së tenderit në këtë aktivitet të prokurimit, tek Seksioni II. Fleta e të Dhënave të Tenderit FDT „Kërkesat mbi mundësitë teknike dhe/ose profesionale, 9.1 & 9.2, Kapaciteti teknik dhe profesional: numer 4 faqe 16 në DT.

*Shih kërkesat e dosjes së tenderit :*

4. Analiza financiare për pagën bazë 250€ bruto të pasqyruara më të gjitha obligimet ligjore sipas Ligjit të Punës Nr.03 L-212 si dhe ATK-së. Ofertuesi së bashku me oferte duhet të prezantojë një analizë financiare për pagën bazë 250 € bruto të pasqyruara më të gjitha obligimet ligjore sipas Ligjit të Punës Nr.03 L-212. OE duhet të paraqesë analizë financiare me shkrim se si ka ardhur deri te çmimi përfundimtar e ku kjo analizë duhet të përfshijë se paku-Pagat bazë Bruto 250 € për punëtorë, -Pagesat shtesë për ndërrimet e natës dhe festat shtetërore, -Pushimet vjetore, -Trusti pensional, -Fitimi i OE, -TVSH-ja, -Totali i ofertës.

*Ne si OE kemi plotësuar të gjitha kërkesat sipas dosjes së tenderit dhe kriterëve të përcaktuara në dosjen e tenderit.*

*-Pastaj edhe pse edhe tek Aneksi 1. SPECIFIKIMET TEKNIKE TË DETYRUESHME, faqe 19-20 të DT pika 1 që fillon me shpjegimet dhe detyrimet ndaj punëtorëve dhe të cilat përcaktojnë pragun e Çmimit të ofertës shih si në vijim:*

Me qëllim të mbrojtjes dhe respektimit të të drejtave të punëtorëve, OE është i obliguar që të respektoj të gjitha të drejtat të cilat dalin nga ligji i punës, rregulloret dhe udhëzimeve tjera në fuqi.

Për të qartësuar pagën e punëtorëve, ne ju sqarojmë si më poshtë:

- Për pika 24 orëshe kemi vetëm 8 orë të ndërrimit të natës.
- Për pika 12 orëshe kemi 8 orë të ndërrimit të natës.
- Për pika 8 orëshe kemi vetëm orë të ditës.

Kurse për të nxjerrur numër të punëtorëve duhet kalkuluar si vijonë sipas udhëzimit të MPMS Nr/09/2017 ku fondi i orëve për një punëtor është 176 orë, dmth numëri total i orëve për secilin pikë /176 jep numër të punëtorëve.

OE janë të obliguar të paraqesin analizë financiare për secilin pozicion dmth 8 orësh, 12 orësh dhe 24 orësh, orëve të ndërrimit të natës ( 8 orë, të cilat duhet të paguhën 30% më shumë se ora e rregullt e punës, nga ora 22 deri në orën 06), orëve të ditëve festive, të gjitha në bazë të ligjit të punës.

*Komisioni duke mos përfill apo lexuar fare keto kritere të DT na ka shpallur si tenderues të pasukseshëm poashtu duke mos bërë një analizë dhe ekzaminim të sakt , Analizen financiare të OE "Alpha Private Security SHPK" ka shpallur si të suksesshëm , e cila nuk është në harmoni me kërkesat e dosjes së tenderit dhe kërkesave në aneksin 1 Specifikimet teknike të detyrueshme:*

1. OE i shpallur fitues nga AK ka kalkuluar duke mos i respektuar kërkesat e dosjes së tenderit dhe duke kalkuluar në mënyrë të gabuar-qëllimshme kërkesat për orët në ndërrimet e natës e sidomos për vemendjen e juaj të pikërojet që janë në orarin 12 orëshe, specifikisht që ruajn vetëm natën , ku për pozicionin e kërkuar sipas DT ka qenë kërkesa si në vijim dhe e ndarë në tri kategori;

1) Për pika 24 orëshe kemi vetëm 8 orë të ndërrimit të natës., 2) Për pika 12 orëshe kemi 8 orë të ndërrimit të natës, 3) Për pika 8 orëshe kemi vetëm orë të ditës

- Për pika 24 orëshe kemi vetëm 8 orë të ndërrimit të natës.

*Sipas kërkesës në tabelën e Çmimeve janë kërkuar 8 pika 24 orëshe , ose në total orë sipas pikërojëve janë kërkuar:*

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. të prokurimit: 616/20/1945/211, iniciuar nga Autoriteti Kontraktues (AK) - "KK Prishtinë".



1 pike roje 24 orëshe \* 30.5 dite në muaj = 732 ore në muaj \* 36 muaj = 26352 ore për 36 muaj \* 8 pikëroje = 210816 orë – kërkesa sipas AK për fondin e orëve për mbulimin e pikërojeve 24 orëshe.

Kërkesat e dosjes se tenderit ka qene si në vijim:

-Pagat bazë Bruto 250 € për punëtorë, -Pagesat shtesë për ndërrimet e natës dhe festat shtetërore,- Pushimet vjetore,-Trusti pensional,-Fitimi i OE,-TVSH-ja,-Totali i ofertës.

**TABELA I - Për pika 24 orëshe kemi vetëm 8 orë të ndërrimit të natës dhe duhet të angazhohen 32 puntorë .**

Nr	Përshkrimi i aktivitetit/obligimeve per punetoret me ndrrime 24h	Shuma/Vlera	Periudha
1	Paga bazë bruto(për orë të dites 250€/176orë=1.42€ ora e punes e dites) Bruto	250.00€	Mujore
2	59 orët e nates 30% SHITESË(59 orë x 0.42€ ndryshimi për orë të natës) Bruto	25.14€	Mujore
3	6 orët e festave 50% SHITESË(6 orë x 0.71€ ndryshimi për orë të natës) Bruto	4.26€	Mujore
4	Pushimi vjetor (kater javë)20 ditë pune(160 orë x 1.42€=227.20€/12 muaj	18.93€	Mujore
5	Totali bruto me pushim vjetor,orë të natës dhe festa (Nr.1+2+3+4=5)	298.33€	Mujore
6	Trusti pensional i punëdhënesit 5%	14.92€	Mujore
7	Totali i Pagës me trust pensional 10%,tatim në burim,pushim vjetor,orë të nates dhe festa. (Nr. 5+6=7)	313.25€	Mujore
8	Fitimi i kompanis	0.10€	
9	Kostoja totale e pjestuar per fondin e oreve sipas UA MPMS Nr.09/2017 (7+8+9=10)	313.35€	Mujore
10	Tvsh-ja 18%	56.40€	ujore
11	Kostoja totale e pjestuar per fondin e oreve sipas UA MPMS Nr.09/2017 me TVSH(10+11=12)	369.75€	
12	Fondi i oreve është 176 për një muaj sipas UA MPMS Nr.09/2017	176 orë	Mujore
13	Një orë pune për roje(Totali 369.75€ pjestuar për 176 orë pune) (Nr. 12/13=14)	2.10€	Për një orë
14	26'352 orë shumëzuar për 8 pikëroje që jan 24 orë	210'528 orë	36 muaj
15	Totali i obligimeve per punetoret me ndrrime 24h	442'108.80€	36 muaj

Ne si OE ofertues në këtë aktivitet të prokurimit konsiderojmë se Ç' do ofertues i cili në ofertë ka kalkuluar Çmimin për njësi me pak se 2.10€ është nen prapun e pagës të kërkuar nga autoriteti kontraktues në dosjen e tenderit.

2. OE i shpallur fitues nga AK ka kalkuluar duke mos i respektuar kërkesat e dosjes se tenderit dhe duke kalkuluar në mënyr të gabuar-qëlimshme kërkesat për orët në ndërrimet e natës , ku për pozicionin e kërkuar sipas DT ka qene kërkesa si në vijim:

• Për pika 12 orëshe kemi 8 orë të ndërrimit të natës.

Kërkesat e dosjes se tenderit ka qene si në vijim:

-Pagat bazë Bruto 250 € për punëtorë, -Pagesat shtesë për ndërrimet e natës dhe festat shtetërore,- Pushimet vjetore,-Trusti pensional,-Fitimi i OE,-TVSH-ja,-Totali i ofertës.

Sipas kërkesës në tabelen e Çmimeve janë kërkuar 25 pika 12 orëshe , ose në total orë sipas pikërojeve janë kërkuar:

1 pike roje 12 orëshe \* 30.5 dite në muaj =366 ore në muaj \* 36 muaj = 13'176ore për 36 muaj \* 25 pikëroje

= 329'400 orë – kërkesa sipas AK për fondin e orëve për mbulimin e pikërojeve 12 orëshe.

Kërkesa e DT për 8 orë të ndërrimit të natës dhe 4 orë ndërrimit të ditës për pikat 12 orëshe , sipas kësaj kërkesë na del që 4 orë në ditë \* 30.50 ditë në muaj = 122 orë në muaj që duhet kalkuluar si orë ditë për pikë rojet 12 orëshe dhe 8 orë në ditë \* 30.50 ditë në muaj =244 orë në muaj që duhet kalkuluar si ore nate (30% shtese sipas ligjit të punës).

Për mbulimin e një pikë roje 12 orëshe sipas ligjit të punës kërkohen 2 punëtorë , prandaj 122 orë në muaj pjestuar për 2 punëtorë = 61 orë në ndërrimin e rregullt të dite për një të punësuar , për një muaj ,

Për mbulimin e një pikë roje 12 orëshe sipas ligjit të punës kërkohen 2 punëtorë , prandaj 238 orë në muaj pjestuar për 2 punëtorë =116 orë në ndërrimin e natës ( shtese 30%) për një të punësuar për një muaj ,

Për mbulimin e një pikë roje 12 orëshe sipas ligjit të punës kërkohen duhet kalkuluar mesatarja 1ditë punë feste në muaj , prandaj 12 orë në muaj punë në feste pjestuar për 2 punëtorë = 6 orë punë në ndërrimin feste për një të punësuar , për një muaj

**TABELA II - Për pika 12 orëshe kemi 8 orë të ndërrimit të natës dhe 4 orë te dities,dhe sipas specifikacionit teknik te DT duhet te angazhohen 54 puntorë në orarin 12 orë .**

Nr.	Përshkrimi i aktivitetit/obligimeve për punëtorët 12 orë .Paga 250€ bruto(për orë të dities 250€/176orë=1.42€ ora e punes e dities) Bruto	Shuma/Vlera	Periudha
1	61 Orë të dities shumëzuar per 1.42	86.62€	Mujore
2	116 orët e nates 30% SHITESË(59 orë x 1.84€ ndryshimi për orë të natës) Bruto	213.44€	Mujore
3	6 orët e festave 50% SHITESË(6 orë x2.13€ ndryshimi për orë të natës) Bruto	12.78	Mujore
4	Pushimi vjetor (kater javë)20 ditë pune(160 orë x 1.42€=227.20€/12 muaj	18.93€	Mujore
5	Totali bruto më pushim vjetor (Nr.1+2+3+4=5)	331.77€	Mujore
6	Trusti pensional i punëdhënësit 5%	16.59€	Mujore
7	Totali i Pagësës më trust pensional 10%,pushim vjetor. (Nr. 5+6=7)	348.36€	Mujore
8	Fitimi i kompanis	0.10€	Mujore
9	Kostoja totale e pjestuar per fondin e oreve sipas UA MPMS Nr.09/2017 (7+8=9)	348.46	Mujore
10	TVSH-ja 18%	62.72	Mujore
11	Kostoja totale e pjestuar per fondin e oreve sipas UA MPMS Nr.09/2017 me TVSH(9+10=11)	411.18	Mujore
12	Fondi i oreve është 176 për një muaj sipas UA MPMS Nr.09/2017	176 orë	Mujore
13	Një orë pune për roje (Totali 411.18€ pjestuar për 176 orë pune) (Nr. 11/12=13)	2.34€	Për një orë
14	Një orë pune më TVSH shumëzuar për totalin e orëve	329'400h	36 Muaj
15	<b>Totali për punëtorët 12 orë</b>	<b>769'560.75€</b>	<b>36 Muaj</b>

**Vërejtje: është e pa kuptim se si OE i shpallur fitues ka ofertuar Çmimin e njejte për një punëtorë në muaj , për pozicionet:**

• Për pika 24 orëshe kemi vetëm 8 orë të ndërrimit të natës dhe 16 orë te dities.

• Për pika 12 orëshe kemi 8 orë të ndërrimit të natës dhe vetem 4 orë te dities.

Kur është e dukshme se kërkesat janë të ndryshme në keto pozicione dhe në pikërojet 12 oreshe dominojn dukshëm orët e natës.

**Ne si OE ofertues në këtë aktivitet të prokurimit konsiderojmë se Ç' do ofertues i cili në ofertë ka kalkuluar Çmimin për njësi me pak se 2.34€ është nen pragun e pagës të kërkuar nga autoriteti kontraktues në dosjen e tenderit**

**3. OE i shpallur fitues nga AK ka kalkuluar duke mos i respektuar kërkesat e dosjes se tenderit dhe duke kalkuluar në mënyr të gabuar-qëlimshme kërkesat për orët në ndërrimet e natës , ku për pozicionin e**



kërkuar sipas DT ka qene kërkesa si në vijim:

• Për pika 8 orëshe kemi vetëm orë të ditës.

Kërkesat e dosjes se tenderit ka qene si në vijim:

-Pagat bazë Bruto 250 € për punëtorë, -Pagesat shtesë për ndërrimet e natës dhe festat shtetërore,- Pushimet vjetore,-Trusti pensional,-Fitimi i OE,-TVSH-ja,-Totali i ofertës.

Sipas kërkesës në tabelen e Çmimeve janë kërkuar 1 pike roje 8 orëshe , ose në total orë sipas pikerojeve janë kërkuar:

1 pike roje 8 orëshe \* 30.5 dite në muaj =244 ore në muaj \* 36 muaj = 8'784 ore për 36 muaj – kërkesa sipas AK për fondin e orëve për mbulimin e pikërojeve 8 orëshe.

**TABELA III** – Për pika 8 orëshe kemi vetëm orë të ditës dhe sipas specifikacionit teknik të DT duhet te angazhohet 1 punëtor në orarin 8 ore .

Nr	Përshkrimi i aktivitetit/ Dispanzeri antituberkular 8 Orë te dites	Shuma/Vlera	Periudha
1	Paga bazë bruto(për orë të ditës 250€/176orë=1.42€ ora e punes e dites) Bruto	250.00€	Mujore
2	Pushimi vjetor (kater javë)20 ditë pune(160 orë x 1.42€=227.20€/12 muaj	18.93€	Mujore
3	Totali bruto më pushim vjetor, (Nr.1+2=3)	268.93€	Mujore
4	Trusti pensional i punëdhënesit 5%	13.45€	Mujore
5	Totali i Pagësës më trust pensional 10%,tatim në burim,pushim vjetor,orë të nates dhe festa. (Nr. 3+4=5)	282.78€	Mujore
6	Fitimi i kompanis	0.10€	
7	Kostoja totale e pjestuar per fondin e oreve sipas UA MPMS Nr.09/2017 (5+6=7)	282.48€	Mujore
8	Tvsh-ja 18%	50.85€	Mujore
9	Kostoja totale e pjestuar per fondin e oreve sipas UA MPMS Nr.09/2017 me TVSH(7+8=9)	333.33€	
10	Fondi i oreve është 176 për një muaj sipas UA MPMS Nr 09/2017	176 orë	Mujore
11	Një orë pune për roje(Totali 333.33€ pjestuar për 176 orë pune) (Nr. 9/10=11)	1.89€	Për një orë
12	Dispanzeri antituberkular 8 Orë te dites, 244orë(nje muaj),8784 orë(36 muaj)	8784 orë	36 muaj
13	Totali obligimeve per Dispanzeri antituberkular 8 Orë te dites	16'638.99€	36 muaj

Ne si OE ofertues në këtë aktivitet të prokurimit konsiderojmë se Ç'do ofertues i cili në ofertë ka kalkuluar Çmimin për njësi me pak se 1.89€ është nen pragun e pagës të kërkuar nga autoriteti kontraktues në dosjen e tenderit.

Kërkesa e DT si ne vijim :

**VËREJTJE**

"Për të qartësuar pagën e punëtorëve, ne ju sqarojmë si më posht:

- Për pika 24 orëshe kemi vetëm 8 orë të ndërrimit të natës.
- Për pika 12 orëshe kemi 8 orë të ndërrimit të natës.
- Për pika 8 orëshe kemi vetëm orë të ditës.

-Pagat bazë Bruto 250 € për punëtorë, -Pagesat shtesë për ndërrimet e natës dhe festat shtetërore, -Pushimet vjetore, -Trusti pensional, -Fitimi i OE, -TVSH-ja, -Totali i ofertës.

**TABELA IV** - Ku 32 punëtor (ne orarin 24 orë) plus 54 punëtor (ne orarin 12 orë) punëtor dhe 1 punëtor(8 orë te dites) =87 ,është nxjerr mesatarja se sa duhet të jëtë Çmimi mesatar i orës(njesis)sipas kërkeses se DT.

Nr.	Rikapitulum për Çmimin përfundimtar		
1	Çmimi për 36 muaj i ofertës ton për orarin 24 orë më TVSH	442'108.80€	36 Muaj
2	Çmimi për 36 muaj i ofertës ton për rojet që janë 12 orë më TVSH	769'560.75€	36 Muaj
3	Dispanzeri antituberkular 8 Orë te dites,8784 orë(36 muaj)shumëzuar për 1.89€(për një orë punë)	16'638.99€	
4	PAGESA mujore totale momentale për përvojën e punës të të 11 punëtorëve ekzistues është 275.25 € +49.55 tvsh=324.80€ here 36 muaj	11'692.62	36 Muaj
5	<b>Çmimi total pjestuar për orët e përgjithëshme</b>	<b>1'240'001.16€</b>	<b>36 Muaj</b>
6	Totali i oreve sipas specifikacionit teknik të orëve të përgjithëshme	548'712h	36 Muaj
7	Çmimi mesatar për një orë pune	2.26€	Për 1 orë

*Përmbledhja – Çmimi mesatar për njësi orë punë sipas kërkesave të dosjes se tenderit si ne vijim;*

*Çmimi – Për pika 24 orëshe kemi vetëm 8 orë të ndërrimit të natës. = 442'108.80€ Me TVSH 36 muaj*

*Çmimi - Për pika 12 orëshe kemi 8 orë të ndërrimit të natës. =769'560.75€ Me TVSH 36 muaj*

*Çmimi- Për pika 8 orëshe kemi vetëm orë të ditës. = 16'638.99€ Me TVSH 36 muaj*

*Çmimi-Pagesa mujore për përvojën e 11 të punësuarëve 275.25€ në muaj + 49.55 tvsh = 324.80€ ne muaj , e shumëzuar për 36 muaj = 11'692.99€ Me TVSH 36 muaj*

*Çmimi total i Ofertës = 1'240'001.16€ Me TVSH 36 muaj*

*Totali i Orëve sipas specifikacionit në DT = 548'712 h*

*Çmimi total i ofertës = 1'240'001.16€ Me TVSH 36 muaj, pjestuar me Totali i Orëve sipas specifikacionit në DT = 548'712 h , është = 2.26€ Me TVSH*

*Çmimi për njësi i ofertës për një orë punë = 2.26€ Me TVSH*

**Kërkesa e dt Kriteret e Dhënie Tenderi i përgjegjshëm me Çmimin më te ulët 1**

*Ne si OE ofertues në këtë aktivitet të prokurimit konsiderojmë se Ç'do ofertues i cili në ofertë ka kalkuluar Çmimin për njësi me pak se 2.26€ është nen pragun e pagës të kërkuar nga autoriteti kontraktues në dosjen e tenderit dhe duhet konsideruar si Tenderues i papërgjegjshëm.*

*Duke ju referuar Vëndimin të datës 14.09.2020 nga AK Komuna e Prishtinës , AK ka ngarkuar formen e analizes finaciare të mbështetur nga Administrata Tatimore e Kosovës , edhe aty ka rezultuar se Çmimi i përgjegjshëm për mbulimin e kërkesave të jete Çmimi mesatar për njësi 2.26€ kurse nga ana tjetër kanë shpallur fitues OE"Alpha Private Security SHPK" me Çmim mesatar për njësi 2.09 € në kundërshtim faktik me vete analizen finaciare të AK !*



- Neni 59 i LPP-së, - Ekzaminimi, vlerësimi dhe krahasimi i tenderëve

AK gjatë vlerësimit të tenderit ka vepruar në kundërshtim të ligjit duke na shpallur si tenderues të pasuksesshëm, dhe duke vlerësuar ofertën e OE "Alpha Private Security SHPK" me çmimin 1'146'810.17€ si tenderues të suksesshëm ka vepruar në kundërshtim LPP sepse OE i shpallur fitues nuk ka kalkuluar sipas kërkesave të dosjes së tenderit.

Ne si OE kemi argumentuar se analiza financiare është në harmoni me kërkesat e dosjes së tenderit, ndersa AK gjatë vlerësimit nuk i është përmbajtur kërkesave të dosjes së tenderit dhe ka shpallur fitues tenderuesin e papërgjegjshëm.

Është vertet për tu habitur se si AK gjatë vlerësimit të analizës financiare e cila është ofertuar nga OE i shpallur fitues në këtë aktivitet, komisioni i ka mbyllur sytë me ose pa qellim duke tejkaluar gabimin, ku OE i shpallur fitues në analizë financiare paraqet shpenzime të njëjta për një punëtorë në dy pozicione ku kërkesat janë diametralisht të kundërta, behet fjalë për pozicionet:

**Çmimi** – Për pika 24 orëshe kemi vetëm 8 orë të ndërrimit të natës dhe, (ku është 1/3 e orëve ndërrim të ditës)

**Çmimi** - Për pika 12 orëshe kemi 8 orë të ndërrimit të natës (ku është 1/3 e orëve ndërrim të natës)

Prandaj kërkojmë që nga ekspertit shqyrtues të analizohen kërkesat sipas dosjes së tenderit, sepse shihet se komisioni i AK nuk i ka analizuar dhe vlerësuar me kujdes kërkesat e dosjes së tenderit për pagën bazë Bruto 250 € për punëtorë, -Pagesat shtesë për ndërrimet e natës dhe festat shtetërore, -Pushimet vjetore, -Trusti pensional, -Fitimi i OE, -TVSH-ja, -Totali i ofertës. Po ashtu kërkojmë vemendjen e ekspertit edhe tek konstatimi i AK, se Çmimi për njësi i përgjegjshëm në këtë aktivitet, duke ofruar një analizë sipas kërkesave dhe në harmoni me ligjet ATK-se duhet të jetë Çmimi për njësi 2.26€, ndersa AK ka dalë në kundërshtim me këtë vlerësim sepse ka shpërblyer me kontratë OE ofertues "Alpha Private Security SHPK" me çmimin për njësi 2.09€, AK ka vepruar në kundërshtim me ligjin LPP-se duke vepruar kundërligjshëm sepse ky ofertues ka ofertuar çmim nën pragun e përcaktuar sipas kriterëve të dosjes së tenderit në këtë aktivitet të prokurimit.

- Neni 60 Kriteret për Dhënien e Kontratës

AK duke shpallur fitues në këtë aktivitet "Alpha Private Security SHPK" me çmimin 1'146'810.17€ i cili është vertetuar se është nën pragun e caktuar nga AK prej për vlerën 93'190.99€ ose pragu edhe për njësi është 2.26€ e vertetuar edhe nga ATK-ja ka vepruar në kundërshtim LPP me nenin 60 paragrafi 1.1 tenderin e përgjegjshëm me çmimin më të ulët;

Sepse oferta OE Security Code me çmimin 1'240'001.16€ është oferta e vetme e përgjegjshme sipas kriterit me çmimin më të ulët.

#### **Neni 31 Ekzekutimi i kontratave**

Paragrafi 2.- Autoritetet Kontraktuese mund të referohen në kushtet e performancës së kontratës në veçanti atyre të cilat kanë të bëjnë me mbrojtjen e mjedisit, mbrojtjen e punëtorëve dhe kushteve të punës të cilat janë në fuqi me ligj apo rregullore në Kosovë, me kusht që këto kushte të përfshihen në shpalljen e kontratës dhe në specifikimet teknike. Autoriteti kontraktues mund të vendosë, ndër të tjera, kushte specifike në kontratë të cilat lejojnë që objektivat sociale të merren parasysh, në mënyrë alternative si në vijim: AK rrezikon që nëse nënshkruan kontratë me OE të shpallur fitues në këtë aktivitet, gjatë ekzekutimit të kontratës do të shkelet Neni 31 Ekzekutimi i kontratave, sepse OE i shpallur fitues me çmimin e ofertuar nuk mund të mbulojë kërkesat për pagën e kërkuar sipas dosjes së tenderit shih Aneksi 1 SPECIFIKIMET TEKNIKE TË DETYRUESHME faqe 19 dhe 20 të DT

**DISPOZITAT E SHKELURA DHE PRETENDIMET ANKIMORE SIPAS OE "DELTA SECURITY"  
SHPK-PRISHTINË**

*(Të përshkruhendispozitat e shkelura dhe vetëm pikat e ankesës).*

- Neni 7 i LPP-së
- Neni 59 i LPP-së
- Neni 62 i LPP-së
- Neni 17 i Ligjit për Menaxhimin e Financave Publike (Shpenzimi i Parasë Publike)

Lidhur me rrethanat faktike mbi bazen e të cilave konsiderojmë se AK me rastin shperblimit me kontrate te OE Fitues, ka bere shkelje te dispozitave se Nenit 6, 7, 59, 62 te LPP-se dhe Nenit 17 te LMFP-se, gjeni ne vijim argumentet me fakte dhe analiza ligjore:

**1. Pasqyra faktike dhe historiku i procedures**

- 1.1. Autoriteti kontraktues Komuna e Prishtines *(tutje referuar si AK)*, me date 11.06.2020 ka shpallur njoftimin per kontrate ne lidhje me aktivitetin e prokurimit me titull: *Sigurimi Fizik per objekte shendetesore publike (QKMF dhe QMU)*, me numer te prokurimit: 616 - 20 -1945 -211 dhe numer te brendshem: 616 - 20 -062 - 211.
- 1.2. Njoftimi per kontrate eshte bere ne platformen e prokurimit elektronik *(e prokurimi)*.
- 1.3. Operatori ekonomik "DELTA Security" Sh.P.K., permes platformes se prokurimit elektronik ka shkarkuar *(download)* dosjen e tenderit me numer dhe titull te specifikuar si me larte *(tutje referuar si DT)*.
- 1.4. Me date 16.06.2020, AK ne platformen e prokurimit elektronik ka publikuar Formularin Standard per Korrigjimin e Gabimeve ne njoftimet e publikuara, permes se cileska bere disa permiresime ne lidhje me DT.
- 1.5. Nje operator ekonomik ofertues ne lidhje me kete aktivitet te prokurimit, ka parashtruar tek AK kerkese per sqarime ne lidhje me kerkesat e parashtruara me dosje te tenderit, konkretisht



ne lidhje me vleren e parashikuar te kontrates dhe mundesise qe ofertat e OE ta kalojne vleren e parashikuar te kontrates duke u bazuar ne kerkesat specifike sa i perket DT.

1.6.AK me date 06.07.2020, ne platformen e prokurimit elektronik ka publikuar njoftimin ne me sqarimet shtese per OE ne lidhje me kete aktivitet te prokurimit dhe kerkeses per sqarim te parashtruar nga OE ofertues, duke dhene kete sqarim si ne vijim: *Autoriteti kontraktues ju njofton se aktiviteti i prokurimit eshte me kontrate korpore prej 36 muajsh. Kjo kontrate mund te realizohet me pergjindje + dhe - 30% te vleres totale te kontrates. Prandaj OE ofertues duhet te kalkulojne pagat me analize financiare sipas Ligjit te Punes Nr.03/L-212. Kjo kontrate mund te permbyllet brenda 36 muajsh apo me shume apo me pak varesisht nga vlera e realizuar + dhe - 30%.*

1.7.MalTeparasysht kete pergjigje te dhene nga AK, eshte e kuptueshme qe vlera maksimale e kesaj kontrate mund te arrijte ne vleren prej 1,105,000.00 E, bazuar ne vleren a parashikuar te kontrates e cila ishte ne shumen prej 850,000.00 E.

$$\text{Prove: } 850,000.00 + 30\% = 1,105,000.00 \text{ €}$$

1.8.Bazuar ne sqarimet e publikuara nga AK dhe nga interpretimi logjik ne lidhje me vleren maksimale te kontrates,grupi i operatoreve ekonomik "Delta Security" &"Rosa Security" (tutje OE Ankues ka ofertuar ne lidhje me kete AP dhe kane ofertuar me nje çmim prej 1,033,870.06 €.

1.9.AK permes njoftimit se dates 14.09.2020,ka shperblyer me kontrate OE "Alpha Private Security" i cili ka ofertuar me nje çmim prej 1,146,810.17 €, çmim qe ka tejkaluar buxhetin e parashikuar per kete aktivitet te prokurimit per 35%,ndersa OE Ankues e ka eliminuar qe te papergjegjshem per kinse mos plotesim te kriterave sipas dosjes se tenderit ne piken 9.1. dhe 9.2. lidhur me analizën financiare per kalkulim te pages se punetoreve.

1.10.Per shkaqet qe do ti theksojme me poshte kete kerkese per rishqyrtim, OE Ankues konsideron se, AK me rastin e nerrjes se ketij vendimit per shperblim me kontrate dhe vendimit per refuzim te ankeses se OE Ankues ka bere shkelje te:

**Nenit 7** te LPP-se (*Barazia ne Trajtim / Jo - diskriminimi*).

**Nenit 59** te LPP-se (*Eksaminimi, Vleresimi dhe Krahassimi i Tendereve*) lidhur me **Nenin 44.5.** pika (ii) te RRUOPP-se,

**Nenit 62** te LPP-se (*Perfundimi i Aktivitetit te Prokurimit*) lidhur me **Nenin 44.6.** te RRUOPP-se,

**Nenit 17** te Ligjit per Menaxhimin e Financave Publike (*Shpenzimi i parave publike*).

E te gjitha keto shkelje te dispozitave te theksuara me larte ne menyre direkte jane te nderlidhura dhe paraqesin shkelje te **Nenit 6 te LPP-se** (*Ekonomiciteti dhe Efikasiteti*).

## **2. Lidhur me shkeljet e dispozitave të LPP-se**

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. të prokurimit: 616/20/1945/211, iniciuar nga Autoriteti Kontraktues (AK) - "KK Prishtinë".

2.1. Autoritet kontraktues, me rastin e shperblimit me kontrate te OE Fitues, ka bere shkelje te dispozitave te LPP-se, per shkak se AK ne njoftimin per kontrate dhe dosje

te tenderit ka parashikuar qe vlere e kontrates ne lidhje me kete aktivitet te prokurimit te jete ne shumen prej 850,000.00 €, me nje tolerance prej plus ose minus (+ / -) 30% te kesaj vlere sipas njoftimit te bere vete AK ne pergjigjen ne kerkese per sqarime edhe pse nje e gje e tille nuk eshte dashur te ndodhe per faktin se AK qysh ne fillim te nje aktiviteti te prokurimit duhet te siguroje buxhet te mjaftueshem per ate aktivitet te prokurimit.

2.2. AK me rastin e shperblimit me kontrate te OE fitues, ka vepruar ne kundërshtim me dispozitat e LPP-se, per shkak se OE fitues eshte dashur te shpallet papergjegjshem sepse oferta e tij nuk ka qene ne perputhshmeri me te gjitha kerkesat e parashtruara ne njoftimin per kontrate dhe dosjen e tenderit.

2.3. OE fitues ka ofertuar me nje cmim qe ka tejkaluar vleren e parashikuar te kontrates ne vleren prej 850,000.00 € te specifikuar ne njoftimin per kontrate dhe dosje te tenderit, e po ashtu ka tejkaluar edhe parashikimet e bera nga AK ne lidhje me mundesine e rritjes se koston se ketij aktiviteti te prokurimit ne vleren prej plus ose minus (+ / -) 30%.

2.4. OE fitues ka ofertuar me nje cmim prej 1,146,810.17, e qe ne rastin konkret eshte e kuptueshme se kjo oferte tejkalon parashikimet buxhetore te AK ne secilen rrethane, andaj si i tille OE fitues eshte dashur te shpallet si i papergjegjshem ne kuptim te Nenit 59 par.3 te LPP-se lidhur me Nenin 44.5. pika (ii) te RRUOPP-se.

2.5. Neni 59 par.4 i LPP-se thote: *Autoriteti kontraktues do te konsideroje nje tender si te pergjegjshem vetem nese tenderi ne fjale eshte ne perputhshmeri me te gjitha kerkesat e parashtruara ne njoftimin e kontrates dhe ne dosjen e tenderit.*

2.6. Neni 44.5. pika (ii) i RRUOPP-se thote: *Procedura e prokurimit pas hapjes se ofertave duhet te amulohet nese asnjeri prej tendereve te pranuar nuk eshte i pergjegjshet.*

2.7. Andaj nga interpretimi i ketyre dispozitave ligjore eshte e kuptueshme se ne rastin konkret jo vetem OE Fitues, por te gjithë OE ofertues kane qene te papergjegjshem ne kuptim te tejkalimit te vleres se parashikuar te kesaj kontrate, per shkak se ofertat e tyre kane qene ne mes te 1,146,810.17 € - 1,240,001.16 €, ndersa vlere e parashikuar e kontrates ka qene ne shumen prej 850,000.00 €.

2.8. Andaj AK me rastin e shperblimit me kontrate OE fitues, ka bere shkelje te Nenit 7 te LPP-



se, për shkak se OE fitues dhe OE ankues nuk e ka trajtuar në mënyrë të barabartë, por OE ankues e ka trajtuar në mënyrë diskriminuese, për faktin se OE Ankues është eliminuar për kështu mos plotësim të kriterëve të dosjes së tenderit nga pika 9.1. dhe 9.2. ndërsa OE Fitues është shpërblyer me kontratë edhe pse i njëjti nuk ka qenë i përgjegjshëm në kuptim të Nenit 59 par.4 të LPP-së lidhur me Nenin 44.5. pikë (ii) të RRUOPP-së sepse oferta e tij ka kaluar vlerën e parashikuar të kontratës për 35%, e që në këtë rast është dashur që të shpallet si i papërgjegjshëm.

2.9. AK në rastin konkret ka ve në lajthitje të gjithë OE, përfshirë këtu OE ankues, për shkak se në njërën anë ka publikuar njoftimin për kontratë dhe ka përpiluar dosjen e tenderit në të cilat dokumente është parashikuar që vlera e kontratës të jetë në shumën prej 850,000.00 €, ndërsa në anën tjetër përmes sqarimeve ka deklaruar kjo kontratë mund të tejkalojë vlerën e parashikuar maksimalisht me plus (+) 30%, ndërsa kashpërblyer me kontratë OE fitues i cili ka tejkaluar vlerën e parashikuar të kontratës me +35%. Me këto veprime AK ka rënë në kundërshtim me vetëveten dhe nuk ka asnjë dilemë në lidhje me këtë!?

2.10. Në rastin konkret, AK ka vepruar edhe në kundërshtim me Nenin 17 të Ligjit për Menaxhimin e Financave Publike, për shkak se me këto dispozita ligjore nuk është e lejuar që një autoritet publik të devijojë përdorimin e parave publike, ndërsa me këto veprime është e kuptueshme se AK dëshiron që të bëjë një gjë të tillë dhe të veprojë në kundërshtim me Nenin 17 të LMFP-së.

2.11. Neni 17 i LMFP-së (*Shpenzimi i parave publike*) thotë: *Paratë publike do të përdoren vetëm për qëllime të miratuara publike. Asnjë autoritet publik, organizatë buxhetore, person apo ndërmarrje nuk mund të devijojë, keq zbatojë, ekspozojë apo të përdorin në mënyrë të pa rregullt paratë publike.*

2.12. Andaj nga interpretimi i kësaj dispozite ligjore të theksuar më lartë, pa asnjë mëdyshje kuptohet se AK nuk i lejohet që të devijojë nga buxheti i parashikuar për këtë aktivitet të prokurimit.

2.13. Po ashtu edhe në bazë të Nenit 62 par.2 të LPP-së lidhur me Nenin 44.6 të RRUOPP-së, autoriteti kontraktues është dashur që ta përfundojë këtë aktivitet të prokurimit, për faktin se të gjithë operatorët ekonomik kanë ofertuar me çmime që tejkalojnë buxhetin e autoritetit kontraktues të parashikuar për këtë aktivitet të prokurimit, sepse të gjithë OE kanë ofertuar me çmime shumë herë më të larta se vlera e parashikuar prej 850,000.00 €.

2.14. Të gjitha shkeljet e dispozitave ligjore të LPP-së, RRUOPP-së dhe LMFP-së, e të arsyetuara më lartë, kanë ndikuar në mënyrë të drejtëpërdrejtë që AK pa asnjë mëdyshje të shkel

edhe Nenin 6 të LPP-se, sepse AK me rastin e shperblimit me kontrate të OE Fitues, nuk do të permbushë qëllimin e parapare me këtë aktivitet të prokurimit ashtu siç është parapare me dispoziten e Nenit 6 të LPP-se.

2.15. Me shperblimin me kontrate të OE Fitues, i cili ka ofertuar me një çmim që tejkalon për më shumë se 35% buxhetin e parashikuar të AK dhe i cili OE është dashur të shpallet i papergjegjshëm në kuptim të dispozitave të theksuara më lartë, AK me një veprim të tillë do t'i derintojë fondet dhe burimet publike, sepse në një rast të tillë të njëjtat nuk do të përdoren në mënyrë me ekonomike, ashtu siç përcaktohet me Nenin 6 të LPP-se, andaj edhe mbi bazën e ketyre rrethanave ankesa e OE Ankues duhet të aprovohet nga ana e OSHP-se.

2.16. Në rastin konkret, do të ishte me të drejtë për AK dhe të gjithë OE ofertues, që ky aktivitet i prokurimit të anulohet në teresi dhe të ritenderohet, sepse me këtë gjendje ekzistuese nuk mund të bëhet ekzaminimi, krahasimi dhe vlerësimi i drejtë i tenderëve dhe rrjedhimisht OE nuk mund të trajtohen në mënyrë të barabartë dhe jo diskriminuese.

### 3. PERFUNDIM

3.1. Duke marrë parasysh të gjitha këto fakte të argumentuara më lartë në këtë kerkese për shqyrtim, konsiderojmë AK me rastin e shperblimit me kontrate të OE fitues ka vepruar në kundërshtim me Nenin 7 par.1, 2.59 par.4 lidhur me Nenin 44.5 pika (ii) të RRUOPP se, Nenit 62 par.2 të LPP-se lidhur me Nenin 44.6 të RRUOPP-se, Nenit 17 të LMFP se dhe Nenit 6 të LPP-se për shkak se:

- *AK ka bërë trajtimin diskriminues dhe të pabarabartë të operatorëve ekonomik;*
- *AK ka shperblyer me kontrate një OE të papergjegjshëm, sepse oferta e tij nuk ka qenë në përputhshmeri me kërkesat e përcaktuara në njoftimin për kontrate dhe dosjen e tenderit;*
- *te gjitha ofertat e OE ofertues tejkalojnë buxhetin e parashikuar të autoritetit kontraktues në lidhje me këtë aktivitet të prokurimit në shumën prej 850,000.00 €;*
- *Fondet publike të parashikuar që të përdoren në këtë aktivitet të prokurimit nuk do të përdoren në mënyrë ekonomike.*

3.2. Mbi bazën e ketyre fakteve, i propozojmë Organit Shqyrtues të Prokurimit që **APROVOJË** në teresi si të bazuar ankesën e OE Ankues dhe të **ANULOJË** këtë aktivitet të prokurimit, duke e detyruar AK që në të ardhmen të eliminojë paqartësitë e paraqitura në kuptim të vlerës së parashikuar të kontratës në mënyrë që të gjithë OE ofertues të mund të trajtohen në mënyrë të barabartë dhe jo diskriminuese dhe që fondet publike të shpenzohen në mënyrë ekonomike, konform dispozitave të LPP-se, RRUOPP-se dhe LMFP-se.



## KRITERET PËR VLERËSIM

*Kapaciteti teknik dhe profesional:*

*Kërkesa 4 -Analiza finaciare për pagën bazë 250€ bruto të pasqyruara më të gjitha obligimet ligjore sipas Ligjit të Punës Nr.03 L-212 si dhe ATK-së.*

*Dëshmia 4-Ofertuesi se bashku me oferte duhet të prezantojë një analizë finaciare për pagën bazë 250 € bruto të pasqyruara më të gjitha obligimet ligjore sipas Ligjit të Punës Nr.03 L-212. OE duhet të paraqesë analize finaciare me shkrim se si ka ardhur deri te çmimi përfundimtar e ku kjo analize duhet të përfshijë se paku -Pagat bazë Bruto 250 € për punëtorë, -Pagesat shitesë për ndërrimet e natës dhe festat shtetërore,- Pushimet vjetore,-Trusti pensional,-Fitimi i OE,-TVSH-ja,-Totali i ofertës*

*Vlera e parashikuar e kontratës*

## RAPORTI I KOMISIONIT VLERËSUES

*Duke u bazuar në raportin e rivlerësimit, komisioni rivlerësues ka konstatuar si në vijim:*

*Komisioni i vlerësimit nga tetë (6) oferta të pranuar, pesë (5) oferta i ka shpallur të përgjegjshme, duke rekomanduar për kontratë ofertën e OE "Alpha Private Security" Shpk-Prishtinë si ofertë me çmim më të ulët nga ofertat e përgjegjshme me çmim prej 1,146,810.17 €*

*Sa i përket ofertës së OE ankues "Security Code" Shpk, komisioni e ka shpallur si ofertë të pasuksesshme e cila ka ofruar çmim më të lartë sesa oferta fituese (1,240,001.16 €).*

*Ndërsa sa i përket ofertës së OE tjetër ankues "Delta Security" Shpk, nga komisioni i vlerësimit kjo ofertë është shpallur e papërgjegjshme (edhe pse si ofertë më e lirë 1,033,870.06 €) me arsyetimin se nuk ka plotësuar kritetritin e dosjes së tenderit në pikën 9.1&9.2 lidhur me analizën finaciare për kalkulimin e pagave për punëtorët. Oferta e dorëzuar nga OE ankues nuk është në rregull në analizën e kalkulimit zyrtar nga Administrata Tatimore e Kosovës -ATK e cila ka të bëjë me shumë e pushimit vjetor.*

## INFORMACIONET SHITESË TË MARRA ME ANË TË SQARIMEVE TË KERKUARA NGA E EKSPERTËVE SHQYRTUES DHE / OSE TEKNIK

///

## VLERËSIMI SIPAS NENIT 4.1.26 TË LPP-së

*(Të jepet një vlerësim se OE ankues është apo nuk është palë me interes sipas nenit 4.1.26).*

///

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. të prokurimit: 616/20/1945/211, iniciuar nga Autoriteti Kontraktues (AK) - "KK Prishtinë".

## VENDIMET E MËPARSHMETË PSH-së LIDHUR ME RASTET E NGJASHME

*(Të sqarohet nëse për rastin e njëjtë është dhënë vlerësim tjetër).*

///

## ARSYETIMI PËR DEVIJIM NGA PRAKTIKA E MËPARSHME

*(Të sqarohet për rastin se pse është devijuar nga praktika e mëparshme).*

///

## PËRGJIGJE NË PRETENDIMET ANKIMORE TË OE ANKUES "SECURITY CODE" SHPK

Përgjigje në pretendimin

Lidhur me pretendimin e OE "Security Code" Shpk, se AK gjatë fazës së vlerësimit, ekzaminimit dhe krahasimit të tenderëve ka rekomanduar për kontratë ofertën e OE "Alpha Private Security" Shpk edhe pse analiza financiare e prezentuar nga ky OE nuk mbulon prapën e vlerës për pagat e punëtorëve dhe kërkesave të parashtruara në dosje të tenderit lidhur me detyrimet që dalin nga Ligji i Punës dhe si e tillë kjo ofertë duhej të shpallej e papërgjegjshme, eksperti shqyrtues ka këtë mendim.

Në dosje të tenderit është kërkuar që OE duhet të dorëzojnë një analizë financiare për pagën bazë 250€ bruto të pasqyruara më të gjitha obligimet ligjore sipas Ligjit të Punës Nr.03 L-212 si dhe ATK-së, ku ofertuesi së bashku me ofertën duhet të prezantojë një analizë financiare për pagën bazë 250 € bruto të pasqyruara më të gjitha obligimet ligjore sipas Ligjit të Punës Nr.03 L-212. OE duhet të paraqesë analizë financiare me shkrim se si ka ardhur deri te çmimi përfundimtar e ku kjo analizë duhet të përfshijë se paku - Pagat bazë Bruto 250 € për punëtorë, pagesat shtesë për ndërrimet e natës dhe festat shtetërore, pushimet vjetore, -trusti pensional, -fitimi i OE, -TVSH-ja, -Totali i ofertës.

Gjithashtu në dosje të tenderit është specifikuar sqarimi lidhur me kalkulimet e pagave sipas pikave të sigurimit:

- Për pika 24 orëshe kemi vetëm 8 orë të ndërrimit të natës.
- Për pika 12 orëshe kemi 8 orë të ndërrimit të natës.
- Për pika 8 orëshe kemi vetëm orë të ditës.

Eksperti shqyrtues sqaron se OE i rekomanduar për kontratë "Alpha Private Security" Shpk për pikën 24 orëshe dhe për pikën 12 orëshe ka kalkuluar çmim të njëjtë të pagës për orë (2.07 € për orë) edhe pse numri i orëve të ndërrimit të natës që paguhet +30% më shumë bazuar në Ligjin e punës për pikën 24 orëshe dhe pikën 12 orëshe është i ndryshëm dhe është në raport të kundërt.

Lidhur me pretendimin e OE ankues se OE i rekomanduar për kontratë "Alpha Private Security" Shpk tek analiza financiare për pikën 12 orëshe ka bërë kalkulim të gabuar tek pozicioni i orëve të ndërrimit të natës, eksperti shqyrtues sqaron se ky pretendim është i qëndrueshëm dhe më poshtë po paraqes një analizë të thjeshtë lidhur me këtë pozicion të pikës 12 orëshe.

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr. të prokurimit: 616/20/1945/211, iniciuar nga Autoriteti Kontraktues (AK) - "KK Prishtinë".



OE i rekomanduar për kontratë në analizën e tij financiare për pikën 12 orëshe ka kalkuluar një çmim të shpenzimeve për orë prej 2.07 € që në total për pikën 12 orëshe ka kalkuluar vlerën prej 681,403.08 €

Sipas ekspertit shqyrtues për pikën 12 orëshe në tabelën e çmimit të AK-së janë paraparë gjithsej 329,400 orë, që bazuar në sqarimet e AK-së, 8 orë janë të ndrrimit të natës dhe 4 orë të ndrrimit të ditës, që i bie që totali i orëve për ndrrimin e natës është 219,600 orë ndërsa për ndrrimin e ditës totali i orëve është 109,800 orë.

Nëse kalkulojmë vetëm çmimin e orëve të ndrrimit të ditës dhe natës pa përfshirë këtu shpenzimet e orëve të festave, pushimeve vjetore apo edhe fitimit të kompanisë vijmë deri të kjo analizë e thjeshtë:

Orët e ditës 109,800 x 1.42 (250/176)	= 155,916.00 €
Orët e natës 219,600 x 1.84 (1.42*30%)	= 404,064.00 €
<b>Totali i shpenzimeve për orët (329,400)</b>	<b>= 559,980.00 €</b>
Kontributi pensional i punëdhënsit 5%	= 27,999.00 €
<b>Totali me kontribut pensional</b>	<b>= 587,979.00 €</b>
TVSH 18%	= 105,836.22 €
<b>Totali me TVSH</b>	<b>= 693,815.22 €</b>

Eksperti shqyrtues sqaron se vlera totale e ofruar nga OE i rekomanduar për kontratë (681,403.08 €) nuk e mbulon prapin e shpenzimeve për pagat e punëtorëve dhe obligimeve tjera që dalin nga Ligji i punës dhe kërkesat tjera të parashtruara në dosje të tenderit.

AK në vendimin e tij të datës 14.09.2020 ka prezentuar një analizë financiare sipas formulës zyrtare të Administratës Tatimore të Kosovës ku në këtë analizë çmimi për një orë me tvsh është 2.26 € . Konsideroj që AK gjatë vlerësimit, ekzaminimit dhe krahasimit të tenderëve ka vepruar edhe në kundërshtim me analizën e vet financiare duke rekomanduar për kontratë një OE i cili në ofertën e tij ka kalkuluar çmimin prej 2.09 € për orë, që është shumë më e ulët sesa çmimi i prezentuar në analizën e AK-së (2.26 € për orë).

Eksperti shqyrtues konstaton se AK nuk ka bërë vlerësimin e tenderëve konform kërkesave të parashtruara në dosje të tenderit lidhur me analizën financiare dhe obligimeve që dalin nga Ligji i Punës, andaj rekomandon që lënda të kthehet në ri-vlerësim dhe gjatë ri-vlerësimit të respektohen kërkesat e dosjes së tenderit lidhur me analizën financiare dhe obligimeve që dalin nga Ligji i Punës.

Pretendimi ankimor është i bazuar

#### **PËRGJIGJE NË PRETENDIMET ANKIMORE TË OE ANKUES "DELTA SECURITY" SHPK**

Përgjigje në pretendimin I.

Lidhur me pretendimin e OE "Delta Security" Shpk, se AK gjatë fazës së vlerësimit, ekzaminimit dhe krahasimit të tenderëve ka rekomanduar për kontratë ofertën e OE "Alpha Private Security" Shpk edhe pse kjo

Raporti i ekspertit shqyrtues, lidhur me ankesën e parashtruar nga OE "Security Code" Shpk dhe OE "Delta Security" Shpk, lidhur me aktivitetin e prokurimit "Sigurimi fizik për objekte shëndetësore publike (QKMF dhe QMU)" me nr të prokurimit: 616/20/1945/211, iniciuar nga Autoriteti Kontraktues (AK) - "KK Prishtinë".

ofertë tejkalon vlerën e parashikuar të kontratës dhe sipas OE ankues edhe ofertat tjera e tejkalojnë vlerën e parashikuar të kontratës dhe ky aktivitet i prokurimit konform nenit 62 të LPP-së duhet të anulohet, ekspertit shqyrtues ka këtë mendim.

Në dosje të tenderit dhe Njoftimin për kontratë vlera e parashikuar e kontratës për këtë aktivitet të prokurimit është përcaktuar në shumë prej 850,000.00 €.

AK përmes sqarimeve shtesë ndaj pyetjes së një OE me datë 06.07.2020 sqaron se:

“Autoriteti Kontraktues ju njofton se aktiviteti i prokurimit është aktivitet me kontratë kornizë prej 36 muajsh. Kjo kontratë mund të realizohet me përqindje + dhe – 30 % të vlerës totale të kontratës. Prandaj OE ofertues duhet të kalkulojnë pagat me analizë financiare sipas Ligjit të Punës Nr.03/L-212. Kjo kontratë mund të përmbyllet brenda 36 muajsh apo më shumë apo më pak varësisht nga vlera e realizuar për + dhe – 30%”

Eksperti shqyrtues sqaron se përshkak se kemi të bëjme me kontratë kornizë me afat prej 36 muajsh, është në kompetencë dhe përgjegjësi të AK-së, që bazuar në projeksionet/parashikimet buxhetore për tri vitet e ardhshme të vlerësoj se a mund të përfshihet në planifikimet buxhetore shuma e nevojshme për implementimin e kontratës edhe në rastet kur ofertat e tejkalojnë vlerën e parashikuar të kontratës. Gjithsesi AK në letrën sqaruese ka specifikuar që kjo kontratë mund të përmbyllet brenda 36 muajsh apo më shumë apo më pak varësisht nga vlera e realizuar për + dhe – 30%” dhe sipas ekspertit shqyrtues pretendimi i OE ankues për anulim të aktivitetit të prokurimit është i paqëndrueshëm.

OE ankues “Delta Security” Shpk është dashur që analizën financiare ta kalkuloj konform kërkesave të dosjes së tenderit dhe jo të bazohet në vlerën e parashikuar të kontratës.

Sa i përket pretendimit të OE ankues se AK ka bërë shkelje të nenit 17 të Ligjit të Menaxhimit të Financave Publike për devijim apo keq zbatim të parasë publike, ekspertit shqyrtues sqaron se ky pretendim është i paqëndrueshëm sepse nuk kemi të bëjmë fare me devijim apo keq zbatim të parasë publike. Fondet e planifikuara për këtë aktivitet të prokurimit do të përdoren për sigurim të objekteve të Komunës së Prishtinës dhe nuk ka devijim apo keq zbatim të parasë publike, andaj pretendimi ankimor është i pa bazuar.

#### **MENDIMI I EKSPERTIT SHQYRTUES**

Duke u bazuar në sqarimet e lartpërmendura, ekspertit shqyrtues i propozon panelit shqyrtues që ankesat e OE ankues të **aprovohensi pjesërisht si të bazuara**, të anulohet njoftimi për dhënie të kontratës dhe rekomandon që lënda të kthehet në rivlerësim.

Raporti i eksperizës ti dorëzohet:

- Autoritetit Kontraktues – “KK PRISHTINË”
- Panelit Shqyrtues – OSHP
- OE ankues – “SECURITY CODE” SHPK
- OE ankues – “DELTA SECURITY” SHPK

Raporti i ekspertit shqyrtues, lidhur me ankesën e parashtruar nga OE “Security Code” Shpk dhe OE “Delta Security” Shpk, lidhur me aktivitetin e prokurimit “Sigurimi fizik për objekte shëndetësore publike (QKMF dhe QMU)” me nr. të prokurimit: 616/20/1945/211, iniciuar nga Autoriteti Kontraktues (AK) – “KK Prishtinë”.